



Beeld: ©NP/Hollandse Hoogte/Robin Utrecht

22 april 2024

Prólogo

Den e lunanan ku ta tras di lomba, nos a tuma pasonan importante den kontinuashon di e diskulpa. Nos a yega na un repartishon di e rekursionan pa Hulanda Oropo, e parti karibense di Reino, i Sürnam. E areglonan pa Hulanda Oropo i e parti karibense di Reino a bai den konsulta via internèt. Awe, dia 22 di aprel, nos a informá Tweede Kamer tokante esei den forma di un karta di progreso. Den e karta di notisiero aki bo por haña mas informashon tokante e progreso i e karta di progreso.

Ademas, nos lo informá bo entre otro tokante kreashon di un diálogo sosial mas amplio. Diseño di e diálogo aki ta pa realisá kompreshon mas amplio di nos pasado di sklabilitut den sosiedat, lokual ta un base importante pa tur e intensifikashonnan di maneho i inisiativanan sosial.

Finalmente, nos ta konta boso tokante e kampaña 'geschiedenis van ons allemaal' ('historia di nos tur'), i e variante di esei ku ta ehekutá den e parti karibense di e Reino, ku tin komo meta pa oumentá konosementu i konsientisashon tokante e pasado di sklabilitut.

Karta di progreso Tweede Kamer 22 di aprel 2024

Dia 22 di aprel, 8 mandatarario enbolbí a manda un karta di progreso pa Tweede Kamer. Den e karta nan ta reportá tokante progreso di e trayekto di kontinuashon relashoná ku e diskulpanan tokante e pasado di sklabilitut, manera a primintí den e karta di progreso di 23 di yüni pasá. E karta kompleto bo por [lesa aki](#).

Un parti importante di e karta ta repartishon di e € 200 mion disponibel pa medida ku ta duna atenshon na e pasado di sklabilitut. Den e karta, e mandatarionan ta splika dikun a hasi sierto konsiderashon ora di repartí e fondonan. Un parti importante di esaki tabata un repartishon representativo di e 200 mion destiná pa e pasado di sklabilitut na Hulanda Oropo, e parti karibense di Reino, i Sürnam.

Diálogo sosial amplio

Entrante promé di yüli, i komienso di e Aña di Konmemorashon, e pasado di sklabilitut lo ta presente di forma mas prominente komo tópiko den nos sosiedat. Diskulpa di Rei i su petishon pa pordon por a konta ku atenshon amplio. Durante e Aña di Konmemorashon, for di gobièrnu tabatin invershon pa pidi i mantené atenshon pa e pasado di sklabilitut. Di moda ku no solamente esnan direktamente enbolbí, sino hustamente tambe e hendenan ku hopi biaha no ta bon na altura di kiko tabata e impakto di e pasado di sklabilitut, lo eksperensia mas tantu ku esaki ta un tópiko di nos tur. Mas leu den e karta notisiero aki, gustosamente nos lo konta boso algu tokante e kampaña ònlain 'geschiedenis van ons allemaal' ('historia di nos tur').

Fuera di e kampaña aki, kreashon di enbolbimentu amplio di sosiedat ku e pasado di sklabilitut ta esensial. Hustamente tambe pa hende ku ta sinti ku e no tin un konekshon ku e pasado di sklabilitut, pero den práktika diario inkonsientemente

tambe ta trata ku su konsekuensia. E ta duna nos komprehension tokante un imágen komun di nos pasado. Tokante kiko nos ta konmemorando, i dikon ta importante pa gobièrnu invertí den iniciativa sosial i ahuste di maneho.

Pa lanta e kòmbersashon aki, den e lunanan benidero nos lo tuma kontakto ku hende durante festival, den sentro di siudat, na sentro deportivo, òf na otro lugá na unda tin hende. Asina, lo lanta diferente kòmbersashon entre hendenan diferente, pa motibu ku e drèmpel pa hiba e kòmbersashon ta mas abou.

E preparashonnan pa hiba e kòmbersashonnan aki aktualmente ta den ful swin. Nos ta spera di por laga e promé kòmbersashon tuma lugá na yüni. Pa lansá e diálogo sosial amplio di forma adekuá, nos ta traha estrechamente huntu ku e ofisina Public Cinema i ku Fundashon de Balie. Pero tambe ku otro persona, ku ta yuda nos pa trata e tópiko sensitivo aki di un forma adekuá i respetuoso. Lo hasi uso di un 'inisiadó di kòmbersashon' pa duna forma na e diálogo. E iniciadó di kòmbersashon aki ta un variante di e wega 'Wie ben ik' ('Ken mi ta'). E forma aki ta trese hende huntu mas fásil, i ta sòru ku nan por dreña den kòmbersashon fásilmente tokante e pasado di sklabitut kompartí. Den e periodo di yüni te ku sèptèmber, nos lo instalá e iniciadó di kòmbersashon aki na 25 lokalidat den henter e pais. Den un siguiente karta notisiero, gustosamente nos lo profundisá tokante e forma i elaborashon aktual di esei.



Kampaña online 'Geschiedenis, van ons allemaal' ('Historia, di nos tur')

Mas kòmbersashon entre hende i mas konsientisashon tokante nos pasado kompartí. Ku e propósito ei, Ministerio di Enseñansa, Kultura i Siensia na desèmber pasá a start ku e kampaña ònlain 'Geschiedenis, van ons allemaal' ('Historia, di nos tur'). Den un serie di video, kontadónan di kuenta ta profundisá den nan propio historia i eiden ta investigá tantu e pasado komo e presente. Entretantu a publiká 4 kòmbersashon, esta entre e kantante Shirma Rouse i e sineasta Safi Graauw, e dosente Lucelle Comvalius i e ilustradó George Adegite, e diseñadó di moda Lukas Eleuwarin i e eskritor Jill Mathon, i entre e direktor di esena Hesdy Lonswijk i e eskritor Carmen Felix (potrèt).

Den e lunanan benidero, ainda lo publiká kòmbersashonnan entre Prof. Soortkill (e.o. eskritor), Lex Bohlmeijer (presentador), Stefanie Albertzoon (aktris i artista) i Charissa Chotoe (presentador i poeta). Lo kompartí e storianan aki riba OCV-verhalen.nl i e kanalnan di medio sosial di e Ministerio i di Minister Dijkgraaf. Wak pa bo tene espesialmente nan ret di medio sosial na bista!



'Jongeren Spreken' ('Hóbennan ta Papia') Komunikashon tokante e añá di konmemorashon den Karibe

'Jongeren Spreken' ('Hóbennan ta Papia') ta e tradukshon di e kampaña 'Geschiedenis van ons allemaal' (Historia di nos tur') den un konteksto karibense. Den e dokumental aki, hóben entre 16 i 18 añá di edat di e parti karibense di Reino ta interkambiá su pensamentu tokante nos pasado di sklábitut kompartí. Di Kòrsou te Sint Maarten, nan ta diskutí e impakto di e pasado aki riba nan bida diario. Dor di kòmbersashonnan tokante herarkia, dinámika di famia, konsekuensianan ekonómiko, i nan vishon yen di speransa tokante futuro, nan ta enfoká riba kompleksidat di e tópiko. E bosnan hóben aki no solamente ta ofresé kompreshon tokante pasado, sino ta hasi un yamada tambe pa kambio i progreso, pa e generashonnan di futuro. Den e lunanan benidero, e komunikashon aki lo kuminsá.

Collegetour

Dia 24 di yüni ta tuma lugá e di tres edishon di Collegetour na Alfa College na Groningen. Minister Dijkgraaf, huntu ku Sekretarionan di Estado Van Ooijen i Van Huffelen ta bai papia ku studiante i esun interesá tokante e influensha di pasado di sklábitut. E mandatarionan ta kurioso pa sa punto di bista di e studentenan i kon e tema aki a influenshá nan bida i ki kambio nan ke mira. Ta usa e informashon kolektá den un rapòrt di konseho tokante e proseso 'despues di e kòma'. Un paso interesante i esensial den e proseso di rekonosementu i akshon!



Enviado Spesial Asuntunan di Eksterior

Den e periodo ku ta tras di lomba, e Enviado Spesial Pasado di Sklábítut nombrá dor di e Ministerio di Asuntunan di Eksterior, den kolaborashon ku e embahada hulandes na Paramaribo, a sigui ku su trabounan na Sürnam. Te ku awor, e Enviado Spesial a biaha bai Sürnam seis biaha, i el a hiba kòmbersashon ku e koordinador pasado di sklábítut nombrá dor di gobièrnu di Sürnam, e èks minister Silvano Tjong-Ahin. Ademas, e ta papia ku un kantidat grandi di desendiente i otronan enbolbí, inkluso ku representantenan di e komunidatnan indígeno i di komunidatnan di Marron na Sürnam.

A base di e resultadonan di e diálogo amplio aki, Sürnam tin intenshon di lanta un plataforma den lokual un kantidat di representante for di e gruponan di mas enbolbí lo tuma lugá. Presidente di Sürnam lo instalá e plataforma aki. E plataforma ta hasié posibel pa Sürnam i Hulanda hiba un diálogo dirigí tokante kambio di asignashon di e rekursonan disponibel (e €33,3 mion pa inisiativa sosial i €33,3 mion pa intensifikashonnan di maneho).

Finalmente

Tin tópikonan ku lo bo deseá di bolbe lesa den e karta notisiero aki, òf bo ke drenta den kòmbersashon ku nos? Nos lo ta kontentu di tende esaki. Bo por aserká nos via:

PostbusProgrammaSlavernijverleden@minbzk.nl